



МИЛЛИЙ ЎЗЛИК, ИСТИҚЛОЛ ВА ДАВЛАТЧИЛИК ҒОЯЛАРИ ТУРКИСТОН ЖАДИДЛАРИНИНГ АЗАЛИЙ ОРЗУСИ

Оринов Даврон Хайитбаевич

**Жамоат хавфсизлиги университети
кафедра бошлиғи ўринбосари, подполковник**

Туркистон жадидлари томонидан ўз даврида кўтарилиган муаммолар, бугунги кунимиз учун ҳам ўзининг долзарблигини сақлаб келмоқда. “Уларнинг ҳаёти ва жасорати бугунги тинч ва осойишта кунларга осонлик билан эришилмаганини эслатиб, миллий истиқлолимизни, жонажон Ватанимизни кўз қорачигидай асрашга доимо даъват этиб туради”¹.

Жумладан, жадидлар ўлкани тараққиётга эришувини билимли ёшлар кўлида деб билганлар ва уларни ривожланган мамлакатларга таълим олиш учун юбориш, хорижий тилларни ўрганиш, замонавий илм-фан ва техникани эгаллаш каби масалаларни кўтарганлар.

XIX аср охирларидан маърифатпарварлик оқими сифатида пайдо бўлган жадидчилик ҳаракати, XX аср бошларидан эътиборан ўзининг тадрижий ривожланиш босқичида янги бир даврга кирди. Ушбу даврдан то Туркистон Мухторияти тугатилгунга қадар Фарғона жадидлари ўз сиёсий ташкилотлари, оммавий нашрларига эга бўлдилар. Бу даврда жадидчилик ўз олдига кенг ислоҳотчилик мақсадларини қўйган ижтимоий-сиёсий ҳаракат даражасига кўтарилди.

Туркистон тараққийпарварлари меросини ўрганишнинг яна бир муҳим томони шундаки, улар бундан 100 йиллар муқаддам юрт мустақиллиги ва ёш авлод илм-маърифатпарварлиги масаласини айнан улар олга сурган эдилар. Жадидлар мамлакатнинг замонавий, дунёвий ривожланган давлатлар қаторига қўшилишнинг иқтисодий, ижтимоий, сиёсий, маданий-маиший шартлари

¹ Ўзбекистон Республикаси Президенти Шавкат Мирзиёевнинг “Жадидлар: миллий ўзлик, истиқлол ва давлатчилик ғоялари” мавзусидаги халқаро конференция иштирокчиларига табригидан. // Халқ сўзи. 2023 йил, 12 декабрь.

ҳақида фикр юритганлар ва бу борада маълум даражада амалий фаолият кўрсатганлар. Таъкидлаш жоизки, жаҳонда глобаллашув даврида хатарли ва таҳдидли мағкуравий жараёнлар кечаётган бир пайтда таълимни миллий қадриятлар, таълим-тарбия ва маърифатпарвар сиймолар мероси асосида бўлажак мутахассисларнинг касбий-ижтимоий тайёргарлигини такомиллаштириш масаласи долзарб вазифалардан бири сифатида белгиланмоқда.

Мухтарам Президентимиз Шавкат Мирзиёев таъкидлаганлариdek, “... ўтган асрнинг бошларида юртпарвар, миллатпарвар боболаримиз “жадидчилик”, яъни, янгилиниш ва эркинлик, адолат ва тенглик, илм-маърифат ва миллий ўзликни англаш ғояларини байроқ қилиб, кураш майдонига мардона чиққанларини барчамиз яхши биламиз. Бу улуғ зотларнинг мақсади - жаҳолат ва қолоқлик гирдобида қолиб келаётган Туркистон халқини дунёвий илм-фан, илғор касб-хунарлар билан қуроллантириб, умумбашарий ривожланиш йўлига олиб чиқишдан иборат эди. ... Афсуски, юртимизда большевиклар диктатураси ўрнатилгани, чор мустамлакачилик сиёсати янгича шаклда давом эттирилгани маърифатпарвар боболаримизга ўз мақсад-муддаоларини тўлиқ амалга ошириш имконини бермади.

Лекин уларнинг эзгу орзу-ниятлари халқимизнинг қон-қонида, тарихий хотирасида сақланиб қолди ва ҳануз яшамоқда, десак, айни ҳақиқатни айтган бўламиз.

Шу маънода, бугунги кунда бутун халқимизнинг қалбидан чуқур жой олган, умуммиллий ҳаракатга айланиб бораётган “Янги Ўзбекистон” ғояси замирида ана шундай улуғ аждодларимиз, умуман олганда, миллий тарихимизда Биринчи ва Иккинчи уйғониш даврларига асос солган аллома боболаримизнинг орзу-интилишлари ва армонлари ҳам мужассам, десак, адашмаган бўламиз.”²

Биринчи Президентимиз И.А.Каримов таъкидлаганидек: «...Тарих хотираси, ... миллий ўзликни англашни, таъбир жоиз бўлса, миллий ифтихорни тиклаш ва ўстириш жараёнида ғоят муҳим ўрин тутади...ўзбек олимларининг

² Янги Ўзбекистон демократик ўзгаришлар, кенг имкониятлар ва амалий ишлар мамлакатига айланмоқда. // Ўзбекистон Республикаси Президенти Шавкат Мирзиёевнинг “Янги Ўзбекистон” газетаси бош мухаррири Салим Дониёровнинг саволларига жавоблари. “Янги Ўзбекистон” газетаси 2021 йил 17 август сони.

куч ғайратлари билан тарихимизнинг қўпдан-қўп ғоят муҳим саҳифалари, энг аввало, ... XIX аср охири - XX аср бошлари тарихи янгидан кашф этилди»³.

Таълим-тарбия билан шуғулланувчи профессор-ўқитувчиларимизнинг ҳозирги кундаги долзарб вазифаларидан бири, ўтмишимиздаги ҳар бир ҳодиса ва воқеа маълум ижтимоий-сиёсий, ғоявий муҳит таъсирида юз берганлигини ҳисобга олган ҳолда, асосли хужжатларга таяниб, ушбу воқеа, ҳодисаларни ҳар томонлама чуқур ўрганиш ҳамда таҳлил қилишдан иборатdir.

Жадидчилик ҳаракати вакиллари илмий, маънавий меросини ўрганиш бугунги кунда шунинг учун ҳам долзарбки, бу ҳаракат вакиллари истиқолимиз учун ўша даврдаёқ кураш бошлаганлар. Аввал бошда маърифат соҳасида фаолият кўрсатган жадидлар, аста-секин ижтимоий тараққиёт курашчилари сифатида майдонга чиқдилар.

Жадидчилик дастлаб маданий - маърифий оқим сифатида пайдо бўлганлиги табиийдир, албатта. Чунки, илғор мусулмон зиёлилари ижтимоий ва мустамлақачилик зулмининг асосий сабабларини замонавий илм-фан ютуқларидан бехабарлиқдан ва маориф ишларидаги қолоқликдан изладилар. Шу сабабли, улар мавжуд ижтимоий муаммоларни ҳал этишнинг ягона йўли таълим ислоҳоти деб қарадилар ва маърифатпарварлик, ана шу ғоялар асосида ёш авлодни тарбиялашга асосий эътибор бердилар. Янги усул мактаблари, кутубхоналар очдилар, дарслик, ўқув қўлланмалари ёздилар ва нашр эттиридилар.

Айни пайтда улар таълим-тарбия жараёнда ёшлар таълим-тарбиясида инсон ҳукуқлари, миллий, диний, иқтисодий эркинликлар кафолотланган, ҳукуқий-демократик миллий давлатчиликнинг назарий асосларини яратишга ҳаракат қилдилар.

Таъкидлаш жоизки, «...Ўз тарихини билган, ундан руҳий қувват оладиган ҳалқни енгиб бўлмас экан, биз ҳаққоний тарихимизни тиклашимиз, ҳалқимизни, миллатимизни ана шу тарих билан қуроллантиришимиз зарур...»⁴. Бугун ўтмишимизда рўй берган улкан ижтимоий-сиёсий ҳаракат-жадидчилик ҳам янгидан, холисона ўрганилиши лозим бўлган тарихий жараёнлар жумласидандир.

3 Каримов И.А. Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолотлари.-Тошкент: Ўзбекистон, 1997.-Б.140-141.

4 Каримов И.А. Тарихий хотирасиз келажак йўқ //Мулоқот.-1998.-№5.-Б. 13.

Дарҳақиқат, сўнгги йилларда жадидчилик ҳаракатини ўрганишда бир қанча ишлар амалга оширилди. Туркистон жадидчилик ҳаракати ҳақида адабиётчи, тарихчи, файласуф, сиёсатчи ва профессор-ўқитувчи олимларимиз томонидан бир қатор илмий мақола ва рисолалар чоп этилди. Олиб борилаётган бу илмий тадқиқотлар умумий жадидчилик ҳаракати учун тааллуклидир. Бинобарин, Туркистон жадидчилигининг йирик марказлари-Тошкент, Самарқанд, Бухоро, Хива ва Фарғонада кенг кўламда жадидчилик ҳаракати авж олганлиги, мазкур ҳаракатни маҳсус тадқиқот обьекти сифатида таълим-тарбия ва ватанпарварлик таълимоти нуқтаи назардан ўрганишни тақозо этади.

Ўзбекистон мустақилликка эришгандан кейингина жадидчиликка обьектив-холисона баҳо бериш, уларнинг илмий, маънавий салоҳиятини ёритиш имконияти пайдо бўлди. Бу ўринда тарихчи ва адабиётчи олимларимизнинг хизматлари бекиёсдир. Жадидчилик ҳаракати моҳиятини очиб беришда адабиётчи олимларимиздан У. Долимов, Ш. Ризаев, Ш.Турдиев, Б. Қосимов, С. Қосимов ва бошқаларнинг бир қатор мақола ва рисолалари муҳим ўрин тутади⁵.

Жумладан, Б. Қосимов ўзининг Исмоилбек Гаспиралига бағишлиланган рисоласида жадидчиликнинг келиб чиқиши илдизлари, «Усули савтия» мактабларининг таълим тизими, жадидчилик ҳаракатининг моҳиятини анча кенг ёритиб берган. Б.Қосимовнинг ушбу рисоласи жадидчиликни умумтуркий жараён ва мустамлакачиликка қарши қаратилган зиёлилар ҳаракати сифатида олиб қаралиши билан ҳам қадрлидир.

Ш. Ризаевнинг «Жадид драмаси» асари ҳам, алоҳида эътиборга молик бўлиб, ўрганилаётган давр муаммолари ечимини топиш учун аҳамиятлидир. Муаллиф ўз асарида жадид адабиёти, хусусан драматургиясининг пайдо бўлиш сабаблари, тарихий-ижтимоий шароит, эскилиқ ва янгилик ўртасидаги гоявий курашлар, жадидларнинг маърифатпарварлик ҳаракати босқичлари, янги усул мактабларининг очилиши, тараққийпарварлар асос солган газета ва

5 Қосимов Б. Фитрат //Санъат.-1991.-№12.-610-12; ўша муаллиф: Исмоилбек Гаспирали.-Т.:Фоур Ғулом номидаги нашриёт бирлашмаси,1992.-Б.48; Турдиев Ш. Маърифатпарвар мураббий //Совет Ўзбекистони.-1992.-10 май. Долимов У. Исҳокхон Ибрат.-Тошкент: Шарқ, 1994.-144 б.; Қосимов С. Маърифатпарварлик шеърияти //Гулистон.-1995.-№4.-Б.50-53.; Ризаев Ш. Маърифатпарварликдан маърифатчиликгача //Тафаккур.-1995.-№1.-Б.74-79.; ўша муаллиф : Жадидчилик //Маърифат.-1996.-30 март.



журналлар, дастлабки пъесалар, жадид театрчилиги тарихи каби масалаларни ёритиб берган.

XIX аср охири XX аср бошлари Туркистондаги миллий-озодлик ҳаракатлари, хусусан, жадидчилик ҳаракати тарихини ёритиб беришда тарихчи олимларимиз ҳам сўнгги пайтларда талайгина ишлар қилдилар. Бу ўринда Р. Абдуллаев, С. Аъзамхўжаев, Д. Алимова, Ҳ. Узоқов, С.Холбоев, Р. Шамсуддинов ва бошқаларнинг мақола ва рисолаларини келтириш ўринлидир⁶.

Жумладан, Туркистон жадидчилик ҳаракатининг атоқли вакиллари ижтимоий-сиёсий фаолиятларини ёритиб беришда тарихчи оима Д. Алимованинг илмий тадқиқотлари ғоят аҳамиятлидир. Унинг мақола ва рисолаларида Махмудхўжа Беҳбудий, Мунаввар Қори, Абдурауф Фитрат, Файзулла Хўжаевларнинг жадидчилик ҳаракати тарихида тутган ўринлари холисона талқин этилди⁷. Жумладан, уларда Туркистон жадидларининг раҳнамоси Махмудхўжа Беҳбудийни ўз ватанининг дунёдаги ривожланган мамлакатлар қаторидан фақат билим ва маърифат тараққиёти туфайлигина жой олиши мумкинлигини кўра олган, миллий ватанпарвар деб таърифлайди⁸.

Тарихчи оим Р. Шамсутдинов томонидан чоп этилган кўплаб илмий мақолалар Фарғона водийсидаги жадидлар томонидан тузилган «Тараққийпарвар» ва «Ғайрат» жамиятлари, бу жамиятларнинг рус социал-демократлари билан олиб борган алоқалари ҳақида қимматли маълумотларни беради⁹.

6 Шамсутдинов Р. Жадидчилик ҳақиқат ва ўйдирма //Мулоқот.-1991.-№11.-Б.19-20.; Абдуллаев Р. Миллий-сиёсий ғоялар тарихидан //Инсон ва сиёсат.-1991.-№9.-Б.87-94. Аъзамхўжаев С. Шўрои Исломия асли кандай эди? //Фан ва Турмуш.-1992.-№5-6.-Б.18-19.; Узоқов Ҳ. Матбуот ва миллий истиқлол //Халқ таълими.-1995.-№5-6.-Б.1-12.; Абдуллаев Р. Обхероссийские политические организации Туркестана. Туркистон мустақиллиги ва бирлиги учун кураш саҳифаларидан.-Т.:Фан, 1996.-С.39-51.; Алимова Д. Историческое мировоззрение джадидов и их проекция будущего Туркестана. Туркистон мустақиллиги ва бирлиги учун кураш саҳифаларидан.-Т.: Фан, 1996.-С.8-20.; ўша муаллиф: Ҳақ олинур берилмас //Ўзбекистон адабиёти ва санъати.-1997.-14фев.; Холбоев С. Мунаввар Қори //Мулоқот.-1997.-№1.-Б.24-25. ва бошқалар.

7 Алимова Д. Файзулла Хўжаев ва жадидчилик //Ф. Хўжаев ҳаётни ва фаолияти ҳақида янги мулоҳазалар.-Т.:Фан, 1997.-Б.37-47.; ўша муаллиф: Жадидчилик мустақиллик даври тарихчиси талкинида. Ўзбекистон тарихи: янги нигоҳ. Жадидлар ҳаракатидан миллий мустақилликка қадар.-Т.: Эльдинур, 1998.-Б.11-24.

8 Алимова Д. Историческое мировоззрение джадидов и их проекция будущего Туркестана. Туркистон мустақиллиги ва бирлиги учун кураш саҳифаларидан.-Т.: Фан, 1996.-С.11.

9 Шамсутдинов Р. Жадидчилик ҳақиқат ва ўйдирма //Мулоқот.-1991.-№11-12.- Б.19-20.; ўша муаллиф: Андиконда жадидчилик ҳаракати. Андиконнома.-Андижон, 1992.-Б.38.

Тарихчи олим С.С. Аъзамхўжаев ўзининг Туркистон Мухторияти тарихига бағишиланган илмий тадқиқотларида жадидлар томонидан Андижон ва Қўқонда тузилган жамиятлар, Туркистон Мухториятини ташкил этишда иштирок этган Фаргоналик жадидлар фаолияти ҳақида қисман тўхталиб ўтади¹⁰. Аъзамхўжаевнинг тадқиқотлари Фарғона водийсидаги маҳаллий зиёлилар томонидан тузилган ташкилотлар ҳақидаги янги хужжатларга бойлиги билан ҳам аҳамиятлидир.

Муҳтарам Президентимиз Шавкат Мирзиёев таъбири билан айтганда, “Жадидлар томонидан ташкил этилган янги усулдаги мактаблар, театр, кутубхона ва музейлар, газета ва журналлар, Туркистон фарзандларини чет элларга ўқишига юбориш мақсадида тузилган хайрия жамиятлари халқимизни неча асрлик ғафлат уйқусидан уйғотди, миллий озодлик ҳаракати учун беқиёс куч берди”¹¹.

Дарҳақиқат, жадидчилик ҳаракатининг Туркистон ўлкасида ёйилиб, янги тузилган жамият ва ташкилотлар, уларнинг фаолиятини ўрганиш, жадидларнинг ўлкадаги бошқа сиёсий ташкилотларга муносабатларини ёритиб бериш, жадидларнинг маърифатпарварлик фаолиятлари: мактаб, мадраса, матбуот ва театр санъати соҳасидаги фаолиятларини очиб бериш ёшларнинг давлат ва жамият ҳаётига даҳлдорлик туйғусини шакллантириш ва мустаҳкамлашга хизмат қиласи.

Хулоса қилиб, Муҳтарам Президентимиз Шавкат Мирзиёев таъбири билан айтганда, “Буюк маърифатпарвар боболаримиз томонидан олға сурилган ғоявий-сиёсий, ижтимоий-маърифий ва ҳуқуқий-ахлоқий қарашлар, турли миллат ва элатлар ўртасида бағрикенгликва ҳамжиҳатлик тамойилларини қарор топтириш билан бирга, миллий манфаатларни ҳимоя қилишга қаратилган интилишлар ҳозирги мураккаб ва таҳликали замонда барчамиз, аввало, ёшларимиз учун чинакам ибрат намунасиdir¹².

10 Ағзамходжаев С.С. Туркистон Мухторияти: Борьба за свободу и независимость (1917-1918гг.): Автореф. Дис...д-ра. ист. наук.-Т., 1996.-С.29.; ўша муаллиф: Туркистон Мухторияти.-Т.:Фан, 1996.-Б.21, 45.

11 Янги Ўзбекистон демократик ўзгаришлар, кенг имкониятлар ва амалий ишлар мамлакатига айланмоқда. // Ўзбекистон Республикаси Президенти Шавкат Мирзиёевнинг “Янги Ўзбекистон” газетаси бош муҳаррири Салим Доңиёрөвнинг саволларига жавоблари. “Янги Ўзбекистон” газетаси 2021 йил 17 августъ сони.

12 Ўзбекистон Республикаси Президенти Шавкат Мирзиёевнинг “Жадидлар: миллий ўзлик, истиқлол ва давлатчилик ғоялари” мавзусидаги халқаро конференция иштирокчиларига табригидан. // Халқ сўзи. 2023 йил, 12 декабрь.